

Fula - Kisndam Deftere - Deliverance Scriptures

- Limle 10:35 Koondeye sundukru alkawal ummi, Muusa wi'a: "Umma, ya Jawmiraawo, haa konne'en ma cañkito, wanybe ma ndogga yeeso maada!" Tooktaaki Tawreeta 23:5 Saa'i on donno ngara diga Misra, be mballitaay on bee nyaamdu e ndiyam. Be njobi Balaama bii Be'or, goddo Petor nder Mesopotamiya, ngam o naala on. (Nehemiya 13:2)
- Jabuura 44:4(5) Ya Jehovah, an woni laamiido am, hokku asŋgol Yakubu jaalorgal.
- Esaaya 61:1 Ruuhu Jehovah Jawmiraawo don dow am. Ngam Jawmiraawo subi Yam, neli Yam haa mi waajina laafube habaru seyo, mi nyawnda ta'a-berde'en, haa mi yeyna habbaabe jooftuki, joodiibe nder kabborgol boo dimfinki. (Luka 4:18)
- Matta 6:13 Aynu min ngam taa Saydaanu esta min, min acca nuddinki, ammaa wurtin min juŋŋgo Saydaanu. Ngam an mari laamu e baawde e teddungal, haa foroy. Aamiina!" (Luka 11:4)
- Matta 8:16 Nde kiikide wadi, be ngaddi yimbe d̄uudbe, marbe ginnaaji. Yeesu riwi ginnaaji bee wolde mum, yamditini nyawbe fuu.
- Matta 10:1 Yoo, Yeesu ewni pukara'en muudum sappo e d̄ido, be ngari haa maako. O hokki be baawde riiwugo ginnaaji e yamditingo nyawbe e jijiibe fuu. (Markus 3:14,15)
- Matta 10:8 Njamditine nyawbe, ummitine maaybe, njamditine kuturu'en, ndiiwe ginnaaji. On kebi dum caahu, on ndokka dum caahu boo.
- Matta 12:26-29 To Saydaanu don riiwa ginnaaji muudum, to o narraay bee hoore maako, noy laamu maako tabitirta? 27 On don mbi'a mi don riiwa ginnaaji bee baawde Be'eljebul. Kadi moy hokkata bikkoy moodon baawde riiwugo di? Ngam maajum bikkoy moodon mbaŋinan sooynde goonja moodon. 28 Fakat, mi don riiwa ginnaaji bee baawde Ruuhu Jehovah, kanjum don wāŋina no laamu Jehovah wari haa moodon. 29 "Walaa mo nastata saare cembiddo, wujja mo, sonaa o aarta, o habba mo tawon, nden o wujja kuuje saare maako fuu. (Markus 3:23-27)
- Matta 12:43-45 "To ginnawol wurtake neddo, yiiloyi ladde ngam dabbugo nokkuure siptaago, hebaay, 44 nden kam ngol wi'an: Mi loroto haa suudu am ndu mi wurtino. To ngol lori haa maaru, ngol tawan ndu wuuwaandu, mo"inaandu, ammaa goddo walaa nder maaru. 45 Nden ngol yaha, ngol wadda ginnaaji goddi joweedidi, burandi ngol hallugo, di njoododo nder suudu man. Timmoode goddo man tullitan dow naane. Bana ni non dum laatanto yimbe hallube jonta'en boo."
- Matta 15:22,26,28 Debbo Kanaanijo, joodiido lesdi maajum, wari haa Yeesu, tori mo: "Ya Jawmiraawo, bii Daawuda, endam. Bingel am deyel woodi ginnawol, don torra mo masin." 26 Yeesu jaabi mo: "Woodaay hoo'ugo

nyaamdu bikkoy, sakkina dawaadi." 28 Yeesu wi'i: "An debbo, nuddinki maada makki, dum laatanto ma bana a yidi." Bingel maako deyel go yamditii saa'i man nden.

Matta 16:19 Mi hokkan ma mabbitirdum laamu Jehovah. Mo a jabi haa duniyaaru, o jabeteedo haa asama boo, mo a sali haa duniyaaru, o saleeteedo haa asama boo." (Matta 18:18)

Matta 17:19-21 Baawodon pukara'en Yeesu ngari haa maako feere mabbe, be ?ami mo: "Ngam dume min mbaawaay wurtingo ginnawol ngol?" 20 Yeesu jaabi be: "Ngam nuddinki moodon famdi. Mi don wi'a on bee goonga: To on ngoodi nuddinki koo sedda bana gawel citta, on mbi'an hooseere nde'e sotta do, yaha to, fakat nde sottan, walaa ko salorta on sam. 21 Ammaa irin ginnawol ngo'ol wurtintaake sonaa bee do'aago e suumaago."

Markus 1:23-26 Saa'i maaajum gorko mardo ruuhuwol kallungol nasti suudu waajaago mabbe. 24 O hooli, o wi'i: "An Yeesu Nasaratujo, ko yaalu ma bee amin? A wari ngam halkugo min na? Mi anndi ma, an a nelaado ceniido mo Jehovah neli dum." 25 Yeesu telbani ruuhuwol, wi'i: "Jeeda, wurta nder maako." 26 Ngol dimbi gorko go bee sembe, nden ngol wooki masin, ngol wurti nder maako.

Markus 1:32-34 Nde naanje muti, yimbe ngaddi nyawbe e marbe ginnaaji fuu haa Yeesu. 33 Yimbe wuro fuu moobi haa yolnde saare. 34 Yeesu yamditini nyawbe duudbe e nyawji mabbe feere feere, o riiwi boo ginnaaji duuddi. O accaay ginnaaji di mbolwa koodume, ngam di anndi mo.

Markus 1:39 Bana non o waaji nder cuudi waajaago Yahuudu'en nder lesdi Galili fuu, o riiwi ginnaaji boo.

Markus 5:8 O wi'i dum ngam Yeesu wi'no: "An ruuhuwol kallungol, wurta gorko oo!"

Markus 6:7,13 O moobti pukara'en maako sappo e dido, o hokki be baawde dow ruuhuji kalludi, nden o neli be dido dido. 13 Be ndiiwi ginnaaji duuddi, be nguji nyawbe duudbe bee nebbam, be njamditini be.

Markus 9:23-25 Yeesu jaabi mo: "Koni a wi'i: To a waawi? Haa nuddindo koodume fuu heboto." 24 Law baaba bingel hooli: "Mi nuddini, ammaa dum cadum haa am, wallam!" 25 Yeesu yi'i yimbe puudi moobtaago haa mabbe. Nden o umri ruuhuwol kallungol go: "An ruuhuwol muukawol pahol, mi don wi'e: Wurta bingel ngel, taa meetu nastugo nder maagel."

Markus 9:29 Yeesu jaabi be: "Walaa baawde feere riiwata asnjol ngo'ol, sey do'a."

Markus 9:38,39 Too, Yuhanna wi'i Yeesu: "Moodibbo, min ngi'i goddo don riiwra ginnaaji bee innde ma. Min kadi mo, ngam o hawtaay bee meeden." 39 Ammaa Yeesu jaabi: "Taa kade mo. Koomoy huuwi kaayeefi bee innde am, waawataa hallingo yam law baawodon.

Markus 16:17 Nuddinbe keban alaamaaji baawde di'i: Be ndiiwan ginnaaji bee innde am, be mbolwan bee demde de anndaaka.

Luka 4:34-36 "Hey, an Yeesu Nasaratujo, ko yaalu ma bee amin? A wari ngam halkugo min na? Mi anndi ma: A nelaado ceniido mo Jehovah neli dum." 35 Yeesu telbani ginnawol kallungol go, wi'i: "Jeeda, wurta gorko oo." Ginnawol do'i gorko go yeeso yimbe fuu, nden ngol wurti, ngol acci mo, ngol wadaay mo koodume. 36 Yimbe fuu kaydini, be mbolwi hakkunde mabbe: "Haala irin kaye ka? O don umra ginnaaji kalludi bee baawde, di ngurto goddo."

Luka 4:41 Ginnaaji kalludi ngurti yimbe duudbe, di don ngooka bana ni: "An woni Biidjo Jehovah." Ammaa Yeesu wolwani di bee caatal, o hadi di wolwugo ngam kanji di anndi kañko woni Almasiihu.

Luka 7:21 Wakkati maajum Yeesu yamditini nyawbe duudbe nyawji feere feere, o hisni be e ginnaaji kalludi, o wumtini wumbe duudbe.

Luka 8:29 O wi'i dum ngam Yeesu umri ginnawol, ngol wurto haa maako. Ginnawol man donno nañga mo nde duuddum, be donno kabba kosde maako e juude maako bee callalluji e ge'elle ngam aynugo mo, ammaa o donno ta'a dum. Ginnawol donno yahra mo nder ladde.

Luka 9:40 Mi tori pukara'en ma be ndiiwa ngol, ammaa be mbaawaay."

Luka 10:17-20 Yoo, nelaabe cappande njoweedido e dido go ngarti bee seyo, be mbi'i: "Jawmiraawo, koo ginnaaji dowtanake min ngam innde ma." 18 Nden Yeesu wi'i be: "Mi yi'i Saydaanu do"ake diga dow bana ma"ere. 19 Ndaa, mi hokki on baawde yahugo dow boode e jahe e laamu dow baawde konneejo fuu. Koodume torrataa on. 20 Ammaa taa ceye ngam ginnaaji dowtanake on, ceye ngam inde moodon mbindaama haa asama."

Luka 11:14 Yeesu wurtini ginnawol muukdinngol goddo. Nde ginnawol man wurti, goddo man wolwi, haa yimbe fuu kaydini.

Luka 11:20-22 Ammaa to bee baawde Jehovah ndiiwranmi ginnaaji boo, nden kam dum don wañgina laamu Jehovah wari haa moodon. 21 "To goddo cembiddo taaskiido bee balmi don ayna saare muudum, ko o mari fuu joodoto jam. 22 Ammaa to burdo mo sembe wari dow maako, jaaloto mo, jabta balmi maako di o hooldinori, senda jawdi maako njabtaandi bee sembe.

Luka 13:32 Yeesu wi'i be: "Njehe, mbi'e doldolnde man: Ndaa: Mi don riiwa ginnaaji, mi don yamditina nyawbe, hande e jango, nyande tatabre mi timminan kuugal am.

Yuhanna 14:12 Mi don wi'a on bee goonja: Koomoy nuddini yam, huuwan kuude de mi huuwi, o huuwan ko buri dum mawnugo boo, ngam mi don dilla haa Baabiraawo.

Yuhanna 17:15 Mi torataako ma ngam a wurtina be duniyaaru, ammaa a hisna be juñgo Kalludo.

Kuude Nelaabe 10:38 On anndi habaru Yeesu mo Nasaratu, no Jehovah hokkiri mo baawde Ruuhu Ceniingu. O yehi kootoy, o huuwi kuude boode, o yamditini torraabe Iblisa fuu, ngam Jehovah don wondi bee maako.

Kuude Nelaabe 16:17,18 Min nani wodbe amin njehi haa mon, ndimbi on, cakli on bee bolle mabbe. Ammaa minin min nelaay be.

Kuude Nelaabe 19:11,12 Jehovah huuwi kaayefiji kaydiniidi bee juŋŋgo Pol.
12 Be njahrani nyawbe limce e leppi ko meemi bandu Pol, nyawji mabbe e ginnaaji fuu ngurti haa mabbe.

Kuude Nelaabe 26:15-18 Mi ?ami: Dum moy, an Jawmiraawo? Jawmiraawo wi'i: Min woni Yeesu mo toonyotooda. 16 Ammaa umma, dara. Mi wanjanani ma ngam mi subi ma a laato suka am. Sey a yecca yimbe a gi'do yam hande, a yecca be boo ko mi tammi hollugo ma. 17 Mi hisnete juude yimbe Isra'iila e ummaatooje godde, be mi nelan ma haa mabbe, 18 ngam a mabbita gite mabbe, a wurtina be nyibre, a yahra be haa annoora, a hisna be baawde Saydaanu, be nasta baawde Jehovah, ngam haa be keba yaafuye hakkeeji mabbe, be nasta joonde mabbe caka subaabe Jehovah bee nuddingo yam."

Roma'en 16:20 Jehovah, dokkoowo en jam, hokkan on jaalorgal timmungal dow Saydaanu, neebataa. Mo"ere Jawmiraawo men Yeesu Almasiihu wonda bee moodon fuu.

2 Korintu'en 2:11 ngam taa Saydaanu jaalo en. Ngam en anndi dabareeji maako booddum.

Galaatiya'en 1:4 Almasiihu hokki hoore mum ngam daliila hakkeeji men, ngam haa o hisna en jamanuuru hallundu ndu'u. Bana ni o huuwri muuyo Jehovah, Baabiraawo men.

Efesu'en 4:27 Taa on nyalla bee tikkere, ngam taa on ndokka Iblisa laawol naŋgugo on.

Efesu'en 6:11 Koo'e balmi Jehovah fuu ngam haa on keba dartanaago dabareeji Iblisa.

2 Tessaloniki'en 3:2,3 Tore Jehovah boo haa o hisna min dabareeji yimbe wonniibe, hallube. Ngam naa yimbe fuu nuddinta linjiila. 3 Ammaa Jawmiraawo koolniido. Kaŋko o sembidinan on, o aynan on ngam taa Saydaanu heba do"ugo on.

2 Timote 2:26 Nden kam be kebtan hakkiilo mabbe, be ndada tuuforgol Iblisa. Ngam kaŋko o naŋgi be, o wadi be tokkiibe muuyo maako.

2 Timote 4:18 Fakat, Jawmiraawo hisnatam halleende fuu, yottintam jam nder laamu maako ngu asama. Teddungal laatano mo haa abada abadin. Aamiina!

1 Piyer 5:8 Kakkile, ayne! Ngam konneejo moodon, waato Iblisa, don halli bana mbarooga mbeelaanga tefanŋga mo o nyaama.

1 Yuhanna 4:4 Ammaa onon bikkoy am, on laati yimbe Jehovah, on njaali annabo'en fewoobe go. Ngam Ruuhu ngonŋgu nder moodon buri hakkiilooji yimbe duniyaaru sembe.